



HO'OU LU LĀHUI
Regenerating Oceania
13th Festival of Pacific Arts & Culture
Hawai'i 2024

MO'OLELO HĀLĀWAI A KE KOMIKINA NO KA HO'OLAULE'A NO'EAU A
MO'OMEHEU PĀKĪPIKA

PO'AKOLU, 9 NOWEMAPA, 2022, HOLA 2:45 'AUI.

KIKOWAENA EWC IMIN– HALE JEFFERSON
LUMI SARIMANOK, PAPA HELE 2
1777 ALANUI EAST-WEST
HONOLULU, HI 96848

HE HĀLĀWAI HŌ'EA KINO A ZOOM KĒIA

Nā Lālā Komikina i Kū Mai:

- | | |
|---------------------|---|
| Kalani Ka'anā'anā | - Ke'ena Kuleana Ho'okipa o Hawai'i (HTA) |
| Snowbird Bento | - Kaiāulu |
| Māpuana de Silva | - Kaiāulu |
| Sylvia Hussey | - Ke'ena Kuleana Hawai'i (OHA) |
| Jarrett Keohokālole | - 'Aha Kenekoa o Hawai'i |
| Jamie Lum | - Ke'ena Ho'omohala Waiwai a me ka Ho'okipa (DBEDT) |
| Richard Onishi | - 'Aha Lunamaka'āinana o Hawai'i |
| Kehaulani Pu'u | - Ke Kūlanakauhale a Kalana o Honolulu |

Nā Hoa Kipa:

- | | |
|---------------------------|---|
| Maka Casson-Fisher | - Ke'ena Kuleana Ho'okipa o Hawai'i (HTA) |
| Hea-Emelie Katrawi | - Aupuni o Nūkaledonia |
| Monte McComber | - Lālā Komikina Kāko'o i ka CPAC |
| Ngahiraka Mason | - Kaiāulu |
| Tyler Mejia | - Ke'ena Kuleana Ho'okipa o Hawai'i (HTA) |
| Annie Reynolds | - Kaiāulu |
| Aaron Salā | - Luna Ho'olaule'a |
| Makanani Salā | - Kaiāulu |
| Ka'iulani Spencer | - 'Ahahui Ho'okipa 'Ōiwi Hawai'i |
| Miles Young | - The Pacific Community (SPC) |
| Dr. Frances Koya-Vaka'uta | - The Pacific Community (SPC) |
| Sue Waive | - 'Ahahui Ho'okipa 'Ōiwi Hawai'i ('oihana hana) |

Nā Limahana:

- | | |
|-------------|---------------|
| John Cole | - Loio Kuhina |
| Timothy Tiu | - DBEDT |

Scott Tome - DBEDT
Selma Malcol - DBEDT
Marlene Hiraoka - DBEDT

Nā Mihi:

Maenette Ah Nee-Benham - Koho 'Ia E Ke Kia 'āina

HO'OMAKA

Ma mua o ka ho'omaka 'ana o ka hālāwai, na Mike de Silva i wehe me ke aloha i nā lālā a pau ma ke oli a hula. Ua aloha pū aku ka Luna Ho'omalua Ka'anā'anā i ka po'e hō'ea kino a ma ka Zoom. Ua hō'ike 'o ia i kona ohohia a mahalo i ka hiki ke hui kino. Ua hō'ike 'o ia, he ala loa nō ia mai ka MH 2016 mai, a he mau kūkā 'ana, a i kēia manawa, no Hawai'i ka hanohano 'o ka mālama 'ana i ka Ho'olaule'a No'eau a Mo'omeheu Pākīpika i ka MH 2024. Ua hō'oia pū ka Luna Ho'omalua i nā Lālā Komikina i hiki 'ole ke hui kino no ka hālāwai e komo ana na'e ma ka Zoom.

Aia he hō'ike'ike mo'omeheu ma kekahi māhele o ka hālāwai. Ua ho'omau 'o Mike de Silva ma ke oli e hō'ike ana i ka heahea, ka ho'omanawanui a hō'ea, a me ka hā'awi pū'olo, a pēlā aku, a me ke aloha i ka po'e ma ia 'ano. Ua hō'ike 'o ia i ka 'ike kahua no ke mele 'elua no ka Mō'i Kalākaua 'o ia ke alaka'i mua o kekahi lāhui o ka poepoe honua i huaka'i a puni ka honua. Ua hana 'o ia no kona makemake e 'ike 'ia 'o Hawai'i he lāhui o nā lāhui o ke ao. Ua wehewehe 'ia ke mele pani he wānana i hō'ike 'ia ma ka pūlama 'ana i nā mea i loa'a mai nā kūpuna mai. Ua hō'ike 'o ia i ke ko'iko'i o ka 'au'a 'ana i ko kākou mau mana'o, no ka mea, 'o ka pūlama 'ia o ka mo'omeheu, ka piko'u, a me ka 'ōlelo nā mea e kū ana i ka Ho'olaule'a No'eau a Mo'omeheu Pākīpika.

Ua mahalo 'o Mika Miles o The Pacific Community (SPC) iā Mike Silva i kāna hō'ike'ike. Ua hō'ike 'o ia i kona mahalo i ke kono 'ia e hui me ke Komikina i kēia lā, ke kono 'ia ma ia 'ano, i kahua i ka hana ku'una a mō'aukala. Ua mahalo pū 'o ia i ka Luna Ho'okele Ho'olaule'a Salā i ke aloha i ka hui me ka waipahē. Ma ka 'ao'ao o ka SPC, ua mahalo i ka po'e a pau a hō'ike'ike akula i kekahi mau mea pili mo'omeheu.

Ua hō'ike ke Kauka Frances Koya-Vaka'uta o ka SPC, he hanohano ka hiki ke hui kūhelu i Hawai'i. Ua ho'omau akula ma ka hō'ike, ma Polonesia, he 'āina nona ka mō'aukala piha i nā kūpuna, he hō'ailona o ka 20 a 'oi lāhui e ho'omana'o ana i ko kākou wahi a me ko kākou 'ano he po'e Pākīpika o ke kenekulia 21. 'O ia ho'i nā 'ā'ume'ume i mua o ke alo e pono ai ka lilo he kupuna he pono ai nā hanauna ma hope mai. Ua hō'ike 'o ia, 'o ka Ho'olaule'a No'eau a Mo'omeheu Pākīpika ke kahua no ia 'ano hana—e pili ai, e pili hou ai, e ho'omana'o ai, a e kū'ē ai. Ua hō'ike 'o ia he piliolana o nā mea ola, he mo'olelo nani e pili ai ka mō'aukala—ka 'oia'i'o ho'okahi—ka po'e ho'okahi—ko kākou ho'oilina—ko kākou mo'olelo.

Ua hō'ike'ike pū 'o Mike Hea-Emelie Katrawi mai ke Aupuni o Nū Caledonia i ka Luna Ho'omalua. Ua kōkua ka Luna Ho'okele Ho'olaule'a Salā i ka unuhi mai ka Palani mai. Ua hō'ike 'o ia no ko lākou hoihoi i ka mālama i ka Ho'olaule'a No'eau a Mo'omeheu Pākīpika i ka MH 2028. Ua hō'ike 'o Mike Katrawi i kona ha'aehe i ka hō'ea i ka hālāwai Komikina e kū

Mo'olelo Hālāwai o ke Kōmike no ka Ho'olaule'a No'eau a Mo'omeheu Pākīpika 13
Pō'akolu, 9 Nowemapa, 2022, hola 2:45 'au ma o ka Zoom
'Ao 'ao 3 o 7

'elele ana no Nū Caledonia me kona mau hoa hana me ka mahalo pū i ke Komikin i ka ho'okipa
'olu'olu iā ia.

Ua ho'omaka kūhelu ka Luna Ho'omalua Ka'anā'anā i ka hālāwai ma ka 3:25 'au. Ua aloha
akula 'o ia i nā mea a pau i hō'ea me ka mālama pū i ke kīkolā Lālā Komikina: ka Luna
Ho'omalua Ka'anā'anā, Mike Bento, Mike Hussey, Mika Keohokālole, Mike Lum, Mika Onishi,
Mike Pu'u, a me Mike de Silva e komo hou ana i ka hālāwai ma hope aku.

Ua ho'omaka ka Luna Ho'omalua e wehewehe no ke kumumana'o #7, Hō'ike'ike, Kūkā, a Hana
no ka Mo'olelo a ka Luna Ho'okele Ho'olaule'a, e ho'omiki'ala 'ia ma mua o ke kumumana'o
#6, Hō'ike'ike na The Pacific Community (SPC).

HO'OLAUNA 'IA NĀ MEA KIPA NO THE PACIFIC COMMUNITY (SPC) A ME NŪKALEDONI

Ua ho'olauna akula ka Luna Ho'omalua iā Mika Miles Young, ka Luna Ho'okele o ka Pono
Kanaka a Ho'omohala Mākau Launa, SPC; ke Kauka Frances Koya-Vaka'uta, Alaka'i
Mo'omeheu, SPC; a me Mike Hea-Emelie Katrawi, A'oa'o iā Michael Forrest, ke Kuhina
Mo'omeheu, Aupuni o Nū Caledonia. Ua mahalo akula 'o ia i nā hoa kipa i ka hō'ea i ka
hālāwai.

'OLELO HŌ'IKE A KA LEHULEHU

Ua kono ka Luna Ho'omalua i nā lālā o ke ākea e hō'ike mana'o no nā kumumana'o. No ka 'ole,
ho'omau akula 'o ia i nā kumumana'o e koe ana.

'ĀPONO I KA MO'OLELO HĀLĀWAI 17 OKAKOPA, 2022

Ua kāka'ahi 'ia akula ka mo'olelo hālāwai o ka 17 'Okakopa, 2022, me ka nānā pū 'ia e nā Lālā
Komikina. Ua nīnau ka Luna Ho'omalua inā he mana'o a mana'o ho'ololi paha i ka mo'olelo
hālāwai. No ka 'ole, ua noi 'o ia he mana'o ho'oholo i kō iā Mike Lum a i kāko'o 'ia e Mika
Onishi. Ua noi 'ia he koho pāloka a penei nā Lālā Komikina i 'āpono i ka mo'olelo hālāwai o ka
17 'Okakopa, 2022 me ia nō: ka Luna Ho'omalua Ka'anā'anā, Mike Bento, Mike Hussey, Mika
Keohokālole, Mike Lum, Mika Onishi, a me Mike Pu'u.

KA NŪ HOU NO NĀ WĀ HUI I 'ĀPONO 'IA, ME KA HAHAI PONO 'ANA I KE KĀNĀWAI 103, KE KAU KĀNĀWAI O HAWAI'I 2021

Ua hō'ike ka Luna Ho'omalua no ka hālāwai 'ana o ke Kōmike Ho'okele, a no ke kūkā 'ia o ka
mo'olelo hālāwai ma hope mai o kēia hālāwai ma ke kumumana'o e pili pū ana.

KA HŌ'IKE'IKE, KE KŪKĀKŪKĀ, A ME KA HANA PILI I KA PALAPALA HŌ'IKE A KA LUNA HO'OLAULE'A

Ua kāhea ka Luna Ho'omalua i ka Luna Ho'okele Ho'olaule'a Salā no kāna mo'olelo.

Ua hō'ike ka Luna Ho'okele Ho'olaule'a no ka holo pono o kāna mau huaka'i i Kāmoa no nā
kuleana pili i ka Ho'olaule'a No'eau a Mo'omeheu Pākīpika a i Lalokona no ka SPTO (Pacific
Tourism Organization Summit). Ua komo 'o ia i nā hālāwai hui a me nā hālāwai pākahi no ke
'ano e kāko'o ai nā kau'āina i kā kākou hana. Ua ohohia 'o ia i ka nui o ke kāko'o 'ia ona no nā

Mo'olelo Hālāwai o ke Kōmike no ka Ho'olaule'a No'eau a Mo'omeheu Pākīpika 13
Pō'akolu, 9 Nowemapa, 2022, hola 2:45 'au ma o ka Zoom
'Ao 'ao 4 o 7

hō'ike'ike Ho'olaule'a No'eau a Mo'omeheu Pākīpika 13 a me ka holo pono o nā hālāwai hui.
'A'ole i loa'a kona wā e hō'ike ai i kāna mo'olelo hālāwai i ke Kōmike Ho'okele a Wahi, no
laila, ua ho'oholo e pau kāna hō'ike ma laila.

Ua mahalo akula 'o ia iā Mika Young a me ke Kauka Koya-Vaka'uta e kū 'elele ana no CROP
(Regional Organization of the Pacific) e noho ana 'o ia ka hui mālama no ka Ho'olaule'a No'eau
a Mo'omeheu Pākīpika. Lana kona mana'o i ke a'o hou no ka Pacific Regional Culture Strategy.

Ua aloha akula ka Luna Ho'okele Ho'olaule'a iā Mike Hea-Emelie Katrawi e kū 'elele ana no ke
Kuhina Mo'omeheu o Nū Caledonia. Ua hau'oli 'o ia i ka hiki iā ia ke huaka'i i Hawai'i i kēia
pule. He pule pa'ahana ia i nā kipa 'ana a pēlā pū ka hālāwai me nā limahana kiko'ī. Ua kipa i ka
Festival Village e mana'o 'ia nei, ka Hale Hō'ike'ike 'o Pīhopa, ke Kikowaena Hālāwai o
Hawai'i, ka Hawai'i State Art Museum, ka Hale Pule 'o Kawaiaha'o, a e ho'omau aku ana i ka
hopena pule.

HŌ'IKEIKE NA THE PACIFIC COMMUNITY (SPC) NO KA MŌ'AUKALA O KA SPC, KA HO'OLAULE'A NO'EAU A MO'OMEHEU PĀKĪPIKA, A ME KA PACIFIC REGIONAL CULTURE STRATEGY (PRCS) 2022-2032

Ua hō'ike 'o Mika Young he hō'ike'ike i ho'okomo 'ia ma nā palapala hālāwai me ka mahalo
hou i ke Komikina i ka ho'okipa 'olu'olu 'ia mai. Ua hō'ike laulā lāua 'o Mike Koya-Vaka'uta
no ke kaiaulu SPC a me kāna pilina i ka Ho'olaule'a No'eau a Mo'omeheu Pākīpika.

He hui aupuni 'o The Pacific Community (SPC) ma loko o ke aupuni e kū 'elele nei he 22
kau'āina mokupuni Pākīpika a kelikoli a me ka 'elima kau'āina kūlanakauhale e la'a 'o 'Amelika
Hui Pū 'Ia, Palani, Pelekāne, Nūhōlani, a me Aotearoa. 'O ke kuleana o ka SPC ke kāko'o i nā
lālā ma ke kāko'o 'enehana ma ka pili i nā pahuhopu e la'a ka loli aniau, ka ho'ona'auao, ke
kumuwaiwai 'āina, ka mahi 'ai, ka lawai'a, ka 'epekema, a me ka māhele pono kanaka.

Ka'a nā papa hana mo'omeheu SPC ma lalo o ka papa hana Pono Kanaka a Ho'omohala Mākau
Launa (HRSD). 'O kekahi o nā māhele papa hana ka pono kanaka, ka pono kaulike no nā keka,
ka ho'opono launa; a me ke ko'iko'i o ka 'ike i ke 'ano e holo ai nā hana kāohi i ka mo'omeheu,
a ma 'ō aku.

Ua mahalo 'o Mika Young i ka hana a ke Komikina, iā Mike de Silva, a iā Mika Monte
McComber he mau mea ko'iko'i i ka Ho'olaule'a No'eau a Mo'omeheu Pākīpika. Ua mahalo pū
'o ia i ka Luna Ho'okele Ho'olaule'a i kāna hana. Ma ka hola 3:41 'au., ua ho'i 'o Mike de Silva
i ka hālāwai.

Ua hō'ike ke Kauka Koya-Vaka'uta, mai nā hālāwai makamua no ka hana pū 'ana me ka
Moku'āina 'o Hawai'i ma ka mālama i ka Ho'olaule'a No'eau a Mo'omeheu Pākīpika, ua loli
kekahi mau mea o ka SPC. Ma ia wā, ua 'ike 'ia ke kālele ma ka mo'omeheu he makakoho
kau'āina e kū ana i ka Ho'olaule'a. 'Ike 'ia nō na'e kekahi ho'ākea 'ana a me ka pili o ke
kau'āina a me ke ko'iko'i o ke kāko'o i nā kau'āina e noho lālā ana. 'Ike pū nō ho'i ka SPC i ke
ko'iko'i o ka ho'omohala mauō 'ana e la'a ka loli aniau, ke kālepa, a me nā kumuhana
pā'oihana.

A i kēia, ke alaka'i 'ia nei ka mo'omeheu e nā makemake ho'omohala o nā kau'āina e noho lālā nei ma ka 'imi 'ana i nā ala e ho'oikaika 'ia ai ka mo'omeheu. Hana pū ka SPC me ke Council for Regional Organizations in the Pacific (CROP), a he hui o nā hui kau'āina e lawelawe ana i nā pono ho'omohala kiko'i ma ke kau'āina.

Nānā 'ia kēia mau kumuhana ma nā pahuhopu ho'omohala mo'omeheu: ke kulekele a hālāwai kau'āina, ka mo'omeheu a 'oihana hakuhia e ka'a nei ka Ho'olaule'a No'eau a Mo'omeheu Pākīpika, nā ki'ina Pākīpika, ke kākō'o 'enehana, a me nā hana 'āina a kau'āina.

'O The Pacific Regional Culture Strategy, 2022-2032 ka hālau o nā papa hana, a 'o ia pū ke kahua o nā hana kau'āina. 'O ke kālele nui ma hope o ka MH 2020 ka nānā 'ana i kekahi ki'ina laulima pū ma ka māhele mo'omeheu. Ua ho'omaka ka ho'omohala 'ia o kēia ka'akālai i ka MH 2017. Ma ka holo 'ana o ka ma'i ahulau, ua ho'omau ke kama'ilio 'ana ma ka ho'omohala 'ia o ke ka'akālai ma kona kino e kū nei. Ma nā hālāwai makamua, ua makemake ke kau'āina he palapala kulekele e kū pono ana.

Ua hāpai ke Kauka Koya-Vaka'uta no ka 'oko'a e nānā ai ka po'e Pākīpika i ke ao. Ua hō'ike 'o ia he iwi e hiki ke nānā 'ia me ka maka me ka hō'ike i ke 'ano e pa'a ai ke 'ano o ke kanaka Pākīpika ma kāna ki'ina Pākīpika. Kū ka wa'a kaulua holo mamao Melanikia i 'ike 'ia ma ka lōkō i nā mea e pa'a ai ia kahua. Ua 'aelike ke Kōmike, 'o ke Pānānā Hawai'i ka mea e kū hō'ailona ana no ka wahi a me nā makakoho. 'O ka hope, ua ho'omohala ka SPC he iwi i alaka'i 'ia na ka lā'au ho'okele Marshall he 'oko'a ho'i i ke kilo 'ana i ka hōkū.

He 'elima makakoho ko'iko'i o ka Pacific Regional Culture Strategy: ke Kulekele Mo'omeheu, ka 'Ike Ku'una Mo'omeheu, ke Ola Kino Mo'omeheu, a me ka Hakuhia Mo'omeheu a 'Ikepili. Ua 'ike 'ia nā makakoho mua a hope he ko'iko'i. Ke 'imi 'ia nei nā ala e ho'oikaika ai ma ka pae kau'āina.

Ka Ho'olaule'a No'eau a Mo'omeheu Pākīpika (1972-2022): He hui mālama ka SPC i ka Ho'olaule'a a i ka Regional Culture Strategy. He ko'iko'i ka hua'ōlelo 'o mālama e 'ike 'ia ai ke kuleana o ia lawelawe 'ana. He ko'iko'i ka ho'olako i ka 'ikepili e ho'ohana 'ia no ka ho'oholo mana'o 'ana. Makemake e na'auao a kuleana ka po'e no nā lanakila.

Ua mālama 'ia ka Ho'olaule'a No'eau a Mo'omeheu Pākīpika mua i ka MH 1972 i Fiji. Ua hāpai 'ia ka mana'o e ka Fiji Arts Council i The South Pacific Commission (e laha nei 'o ia ka SPC). I nā lā ho'omaka, ua 'ike 'ia ka SPC no ka mālama 'ana i nā papa ho'onui 'ike kau'āina. E kama'ilio 'ia ana ka wāwahi 'ana i ke kolonaio. He wahi ka Ho'olaule'a no ke kūpa'a, ka noho palekana 'ana, ka ho'ōla, a me ka ho'olaule'a 'ana. Nānā 'ia paha e ka nui he ho'olaule'a wale nō a pau ka 'uhane 'ana ke ho'ohana 'ia ka hua'ōlelo 'o "festival." He 12 Ho'olaule'a o ka Pāheona a Mo'omeheu Pākīpika i mālama 'ia a i kēia. Ua mālama 'ia ma ka lele ma waena o ka po'e.

'O ka ma'amau, he ho'olaule'a ia he 'elua pule ka lō'ihī nona nā 'ano papa hana like 'ole, 'o ia ho'i nā hō'ike'ike au hou kekahi. Aia ka mana'o ho'oholo no nā papa hana i ke kau'āina nona ke kuleana 'o ka mālama. Hō'ihī a minamina ka SPC i ka wā e hiki ai i ke kau'āina kuleana ke

mālama i ka Ho'olaule'a. He makakoho 'elua ka nui o ka Ho'olaule'a e ho'olauka'i a e ho'olako kālā 'ia na ke kau'āina mālama. Ho'olako ka SPC i ke kāko'o no ka ho'okele 'ia a me kona lawelawe 'ia. Ua ho'omohala 'ia he mo'olelo loiloi mai ka MH 2010 mai. He mea nui ka nānā 'ia o nā kuana'ike 'ekolu no ka wā e hiki mai ana: ke kuana'ike o ke kau'āina mālama, ke kuana'ike o nā mea kipa, a me ke kuana'ike o nā kau'āina e komo ana. 'O ua mau kuana'ike nei ka mea e lōkahi ai he 'ohana.

Ua ho'okō ka SPC he mo'olelo loiloi Ho'olaule'a No'eau a Mo'omeheu Pākīpika i ka MH 2021. Ua hō'oia 'ia ma ua mo'olelo nei ka mana'o o ke Kōmike no kekahi o nā mana'o mua no ke 'ano e ho'oikaika 'ia ai ka Ho'olaule'a. He 6 mana'o hāpai nui: (1) Ka 'Ike 'Ia a me ka Waiwai o ka Ho'olaule'a No'eau a Mo'omeheu Pākīpika – 'o ia ka 'ākoaka nui loa 'ana o ka po'e 'ōiwi a me ke ko'iko'i o ka 'imi 'ana i kekahi mau ala hou aku e hō'ike 'ia ai ka waiwai o ka Ho'olaule'a; (2) Ka Ho'oikaika i nā Palapala Ho'okele; (3) Ke Kālā E Holo Pono Ai – emi mai nā pu'u kālā no ka mo'omeheu; (4) Ke Kaulike i ka Mālama i ka Ho'olaule'a No'eau a Mo'omeheu Pākīpika – ka 'ae 'ana i nā kau'āina li'ili'i mai e mālama; (5) He Pākaukau Pono'i no ka Ho'olaule'a ma ka SPC; a me (6) ka Papa Hana Ho'oilina Ho'olaule'a No'eau a Mo'omeheu Pākīpika.

Kāko'o ka SPC i ke kau'āina mālama ma kekahi ki'ina hana pū. 'A'ole nō ho'i makemake e 'ike 'ia he mea kia'i hāiki i ka hana a ke kau'āina, akā, ma ka hana pū a kō ka pahuhopu ho'okahi. Kāko'o ka SPC mai nā ho'olālā 'ana ma mua o ka ho'olaule'a a mau aku i ka holo 'ana o ka ho'olaule'a. He hui ka SPC ma waena o ka CPAC a me ke kau'āina mālama.

A i kēia, he 'ehā nīnūnē ko'iko'i no ka Ho'olaule'a No'eau a Mo'omeheu Pākīpika 13:

- Ke ko'iko'i o ka ho'opa'a he 'Aelike Hana e kūhelu ai ka pilina a ka SPC me ke kau'āina mālama e pa'a ai ka pilina ma waena o ke Komikina Hawai'i a me ka SPC.
- Ka ho'ouna 'ia o nā leka kono i nā kau'āina mai ke kau'āina mālama. No ka holo o nā kau'āina ma nā 'ōnaehana kālā 'oko'a, e pono e noi 'ia ke kālā ma mua o ka ho'opa'a 'ana he papa hana.
- Ke ko'iko'i o ka ho'oka'a'ike koke 'ana i nā nīnūnē ho'opalekana ola kino.
- Ke ko'iko'i o ka ho'oka'a'ike 'ana i ka 'ike no nā wisa – e pono ana nā kau'āina li'ili'i mai e holo aku i kekahi mau wahi 'oko'a e loa'a ai ka wisa. E pono ana kekahi mau lālā e holo aku i kekahi mau kau'āina, a he wā nō paha e kō ai. He mau mana'o ho'olālā a kālā e no'ono'o ai.

Ua nīnau ka Luna Ho'omalua i nā Lālā Komikina inā he mau nīnau.

Ua mahalo 'o Mike Hussey i ka SPC i ka hō'ike'ike laulā a kūpono i ka mō'aūkala a me ke ko'iko'i o ka ho'olaule'a.

Ua mahalo pū 'o Mika Keohokālōle i nā 'elele SPC no ka hō'ike'ike. Ua mahalo akula 'o ia no ka hō'ike'ike a me ke komo 'ana i kēia lā. Ha'aehe 'o ia i ka noho he lālā o kēia Komikina a he Hawai'i, keu ho'i ma muli o nā 'ā'ume'ume o nā makahiki 'ekolu i hala aku nei. Ua mahalo akula 'o ia i ka hō'ike'ike a me ka hana.

Mo'olelo Hālāwai o ke Kōmike no ka Ho'olaule'a No'eau a Mo'omeheu Pākīpika 13
Pō'akolu, 9 Nowemapa, 2022, hola 2:45 'aui ma o ka Zoom
'Ao 'ao 7 o 7

Ua mahalo pū akula ka Luna Ho'omalū. Ua hō'ōia 'o ia i ke kūpa'a o ke Komikina, a keu aku ma nā kumuhana ko'iko'i e la'a ka ho'ouna 'ana i nā leka kono i nā kau'āina. Ua mahalo 'o ia iā lākou i ka ho'omana'o i ke kumu e mālama 'ia ai ka ho'olaule'a. Ua paipai 'o ia i nā lālā e kālele ma ke ko'iko'i o ka ho'olaule'a he hōkū ho'okele no ka wā e hiki mai ana.

KA HŌ'IKE'IKE, KE KŪKĀKŪKĀ, A ME KA HANA PILI I KA NŪ HOU MAI KE KŌMIKE PAPA LUNA HO'OKELE

Ua hō'ike ka Luna Ho'omalū Ka'anā'anā no ka hana 'ae 'ia a ke Kōmike Ho'okele. Ua hō'ike 'o ia no ka hui 'ana o ke Kōmike Ho'okele i ka Po'alua, 25 'Okakopa, 2022, mai ka hola 4-5 'aui. ma ka Zoom. Penei nā lālā komo hālāwai: ka Luna Ho'omalū Ka'anā'anā, Mika Keohokālōle, ka Luna Ho'okele Ho'olaule'a Salā, Mike Ah Nee-Benham, a me Mike Sanders o ka 'Ahahui Ho'okipa 'Ōiwi Hawai'i. Ua kūkā 'ia nā kumuhana no ka hui kālā; ka 'aelike Luna Ho'okele Ho'olaule'a, nā hana ho'oulu kālā, nā limahana, a pēlā aku, a e nānā hou 'ia ma kekahi 'ano lāli'i aku ma kekahi hālāwai Komikina.

KA HŌ'IKE'IKE, KE KŪKĀKŪKĀ, A ME KA HANA PILI I KE KŌMIKE WAHI A ME KA NŪ HOU MAI KE KŌMIKE PAPA HANA

Ua ho'opane'e 'ia kēia kumumana'o.

'ŌLELO HŌ'IKE A KA LEHULEHU

Ua kono ka Luna Ho'omalū i ke ākea e hāpai mana'o. No ka 'ole, ho'omau akula 'o ia i nā ho'olaha.

NĀ HO'OLAHA

Ua mahalo akula ka Luna Ho'okele Ho'olaule'a i ka East-West Center i ka 'ae i ke Komikina e ho'ohana i ka lumi hālāwai i kēia lā.

Ua mahalo akula 'o Mike de Silva i nā hoa kipa i ke komo i ka hālāwai o kēia lā me ka hō'ike pū aku, 'o ka hō'ea ka mea e 'ike 'ia ai 'o Hawai'i he hoa a e kālele 'ia ai ke ko'iko'i o ka Ho'olaule'a.


KA HO'OPA'A HĀLĀWAI – 5 KEKEMAPA, 2022

E mālama 'ia kekahi hālāwai Komikina Ho'olaule'a No'eau a Mo'omeheu Pākīpika i ka 5 Kekemapa, 2022.

HO'OKU'U

Ua ho'oku'u ka Luna Ho'omalū Ka'anā'anā i ka hālāwai i ka 4:30 'aui.

Me ka ha'aha'a iho nō,



Kalani Ka'anā'anā
Luna Ho'omalū

2 Kekemapa, 2022
Lā